

Лойиҳа-смета ҳужжатлари тайёрлаш
124-ВК/2022- сонли шартнома
22110012182095 -сонли лот

Қарши шаҳри

2022 йил «18» ноябр

Келгуси ўринларда “Буюртмачи” деб юритиладиган 2022 йил 19 сентябрдаги 30-сонли ишончнома асосида иш юритувчи «Сув таъминоти ва оқова сув объектлари қурилиши бўйича инжиниринг компанияси» УК Қашқадарё вилояти ҳудудий бошқармаси (кейинги ўринларда “Буюртмачи” деб юритилади) бошқарма бошлиғи **Х.Джураев** бир томондан ҳамда келгуси ўринларда “Бажарувчи” деб юритиладиган ва Устав асосида фаолият кўрсатадиган “O‘zbekkommunalloyihaqurilish” ДУК бош директори **Э.А.Мухамедалиев** иккинчи томондан лойиҳа олди ва лойиҳа-смета ҳужжатларини ишлаб чиқиш шартномасини туздилар.

1. Шартноманинг мазмуни

1.1. “Буюртмачи” лойиҳа топшириғига асосан “Бажарувчи” «Қашқадарё вилояти, Қарши шаҳри, Захокимарон МФЙда 7 км ичимлик суви тармоғи тортиш» объекти бўйича лойиҳа олди ва лойиҳа-смета ҳужжатларини ишлаб чиқишни ўз зиммасига олади.

1.2. “Бажарувчи” лойиҳа ишларини “Корхона, бино ва иншоотлари қурилишига лойиҳа-смета ҳужжатларининг таркиби, ишлаб чиқиш тартиби ва тасдиқлаш” ҳақидаги **ШНК 1.03.01-16**, “Қурилишда жорий шартномавий баҳоларни аниқлаш тартиби” тўғрисидаги **ШНК 4.01.16-09** ва лойиҳага қўйиладиган меъёрий талабларни қоида ва қўлланмалар асосида бажарилишини таъминлайди.

1.3. Бажариладиган ишларга илмий, техник, иқтисодий ва бошқа талабларни бажариш лойиҳалаш топшириқномасида кўрсатилади.

1.4. **Ишларни бажариш муддати – 30 кун.**

1.5. “Бажарувчи” махсус лойиҳа ишларига ёрдамчи Бажарувчи ташкилотлар билан қўшимча шартнома тузишга ҳақлидир. Қўшимча шартномаларни тузиш “Бажарувчи”нинг зиммасига юклатилган мазкур шартнома шартларини бажариш жавобгарлигидан озод этмайди.

1.6. Хўжалик шартнома шартларини бир томонлама ўзгартиришга рухсат этилмайди.

2. Томонларнинг мажбуриятлари

а) “Бажарувчи”нинг мажбуриятлари

2.1. “Бажарувчи” “Буюртмачи” томонидан берилган лойиҳалаш топшириқномаси ва архитектура режалаштириш топшириқномаси асосида лойиҳа ишларини бажаради.

2.2. “Бажарувчи” мазкур шартнома бўйича бажарилган ишларни “Буюртмачи”нинг рухсатисиз учинчи шахсга беришга ҳақли эмас.

2.3. Лойиҳа ишларини бажарилишини белгиланган муддатда таъминлайди.

2.4. “Бажарувчи” томонидан тайёрланган лойиҳа асосида ҳисобланган сметадаги физик иш ҳажмлар, материал ресурслар миқдори тўғрилиги (лойиҳага мослиги) учун жавобгарликни ўз зиммасига олади.

б) “Буюртмачи”нинг мажбуриятлари:

2.5. “Бажарувчи”га иш ҳажмларини бажарилишига керакли архитектура режалаштириш топшириқномасини тақдим этади;

2.6. Бажарилган лойиҳа ишларидан шартномада кўзда тутилган мақсадда фойдаланади;

2.7. “Бажарувчи” томонидан бажарилаётган лойиҳа ишлари ва кўрсатилаётган хизматларнинг сифатини кузатиб боради;

3. Шартнома бўйича ишлар қиймати

3.1. Ушбу шартнома бўйича “Бажарувчи” томонидан бажарилган ишлар қиймати 2022 йил 15 ноябрдаги 58014-сонли лот харид комиссиясининг баёнига асосан қиймати барча солиқлар, йиғимлар ва ажратмаларни ўз ичида олган ҳолда жорий нархларда **59 800 000 (Эллик тўққиз миллион саккиз юз минг) сўми** ташкил этади.

3.2. “Буюртмачи” “Бажарувчи”ни мазкур шартнома бўйича молиялаштириладиган маблағ қийматидан 30 фоиз миқдорида бўнак (аванс) маблағлари билан таъминлайди. Белгиланган маблағлар билан таъминлаш “Буюртмачи”ни шу мақсадлар учун молиялаштирувчи органлар томонидан молиялаштирилгандан кейин 10 кун муддатда амалга оширилади. Бажарилган ишлар учун молиялаштиришнинг қолган қисми мазкур ишлар сифатли қилиб бажарилиб далолатномалар асосида қабул қилингандан кейин босқичма-босқич амалга оширилади.

3.3. Шартнома шартларига ўзгартиришлар “Буюртмачи” ва “Бажарувчи” ўртасида қўшимча келишув билан расмийлаштирилади.

4. Ишларни топшириш ва қабул қилиш тартиби

4.1. Бажарилган ишлар ШНК 1.03.01-16 ва “Буюртмачи” томонидан тасдиқланган лойиҳалаш топшириқ талаблари асосида қабул қилинади.

4.2. “Бажарувчи” ишларни бажариб бўлгач, “Буюртмачи”га техник топшириқда кўрсатилганидек топшириш-қабул қилиш далолатномаси билан биргаликда илова қилиб 3 та нусхада лойиҳа-смета ҳужжатлари комплектини тақдим этади.

4.3. “Буюртмачи” мазкур шартноманинг 4.2.- бандида кўрсатилганидек, топшириш-қабул қилиш далолатномасини ва ҳисобот ҳужжатларида бажарилган ишларни 5 кун мобайнида қабул қилиш мажбуриятини олади ва “Бажарувчи”га имзоланган, ёки асосли эътироз билдирилган топшириш-қабул қилиш далолатномасини жўнатади.

4.4. Бажарилган ишларини топшириш-қабул қилиш давомида “Буюртмачи”нинг асосли эътирози бўлса, камчиликларнинг рўйхати ва уларни бартараф этишнинг аниқ муддатини белгиловчи икки томонлама жараёнида кейинчалик уни давом эттириш мақсадга мувофиқ эмаслиги маълум бўлиб қолса, томонлар 5 кун мобайнида бир-бирларини ишлар тўхтатилганлиги ҳақида хабардор қилишлари шарт ва 10 кун мобайнида ишларни давом эттириш учун мақсадга мувофиқ бўлган йўналишларни ойдинлаштирувчи масалаларни кўриб чиқишлари керак. “Буюртмачи” ушбу ҳолатда “Бажарувчи”га амалда бажарилган лойиҳа ишининг ҳаражатларини мазкур шартноманинг 3.3 бандига асосан амалга оширади.

5. Томонларнинг жавобгарлиги

5.3. Тўлов талабномасини асоссиз равишда тўла ёки қисман рад этганлик, шунингдек ҳисоб-китобларнинг бошқа шакллардаги ишларга ҳақ тўлашдан бош тортганлиги (Ҳазначилик бошқармасига тўлов топшириқномасини тақдим этмаслик, чек бермаслик, аккредитив қўймаслик ва ҳоказо) учун, “Буюртмачи” тўловдан бош тортган ёки рад этган суммасининг 0,04 фоиз ҳажмида “Бажарувчи”га жарима тўлайди. Аммо бунда, умумий сўмма бажарилмаган иш ёки кўрсатилмаган хизматнинг 20 фоиздан ошмаслиги керак.

5.4. “Буюртмачи” олган мажбуриятини бузганлиги учун мазкур шартноманинг 4.3 моддасига асосан у “Бажарувчи”га ўтказиб юборилган ҳар бир кун учун мажбуриятнинг ижро этилмай қолган қисмининг 0,4 фоиз ҳажмида жарима тўлайди. Аммо бунда, умумий сумма бажарилмаган иш ёки кўрсатилмаган хизматнинг 30 фоиздан ортиб кетмаслиги керак.

5.5. “Бажарувчи” ишларини бажаришда, хизмат кўрсатишда олган мажбуриятларини бузганлиги учун ўтказиб юборилган ҳар-бир кун учун мажбуриятнинг ижро этилмай қолган қисмининг 0,5 фоиз ҳажмида жарима тўлайди. Аммо бунда умумий сумма бажарилмаган иш ёки кўрсатилмаган хизматнинг 30 фоиздан ортиб кетмаслиги керак. Пеня тўлаш шартнома (контракт) мажбуриятини бузган томонни кечиктириб бажарган иши ёки кўрсатган хизмати оқибатида келтирилган зарарни қоплашдан озод этмайди.

5.6. “Бажарувчи” томонидан тайёрланган лойиҳа-смета ҳужжатларида нуқсонлар (тайёрланган смета ҳужжатларидаги иш ҳажмларини лойиҳага мос келмаслиги) аниқланса “Бажарувчи” камчиликларни ўз ҳисобидан тўғриланишини таъминлайди ёки тақдим этилган лойиҳа-смета ҳужжатларида қўпол хатоликларга йўл қўйилган бўлса Ўзбекистон Республикасининг амалдаги қонунларида белгиланган тартибда жавобгарликка тортилади.

5.7. Агар содир бўлишига томонларнинг ҳеч бири жавоб бермайдиган (форс-мажор) ҳоллар юзага келса, томонлар ўз ҳаракатларида Ўзбекистон Республикаси қонунчилиги меъёrlарига суянадилар.

Ш.Элчибаев